

四川通志卷二十九

輿地志

二十八

關隘

三

雅州府

雅安縣

附郭

金雞關在縣北金雞山與名山縣接界新店志云

名山縣有雞棟關卽此

國朝吳省欽詩大雞何昂然高戴大蒙頂我循蒙麓行

彼雌伏其影不飛復不鳴金距爲誰猛豈知乘標

人旅平費咨倣厥背田可犁厥觜路能梗守關纔

一夫老瘁目微眚語我行巖南絕險推相嶺義城

半晌晴杉檜六月冷顧此如鷺雛雙轡請徐秉險
夷遇有常在心豈在境慎毋怯小敵盍且視平等
嗟哉折臂翁浩歌忘酸哽下望蒙陽城一環滄煙
井

金沙關在縣東北二十里

附宋姚萼詩甘露靈根不老爾朱丹竈空存三

十六蒙好處倚欄欲破詩魂又邛笮兩關壁峙蔡
蒙四面屏開雲捧峩眉月出江滾平羌雪來

水津關在縣東二十五里

竹箐關在縣東五十里洪雅縣分界

飛仙關在縣西三十五里蘆山縣分界

附明李向陽詩漏閣

自巍巍猿聲日夜悲洪流穿澗出孤鶴倚崖歸峰
萃天恒小隍深日漸微羊腸策馬過無處挾仙飛
甘來學詩誰辨離堆非雅州多功峽內看山頭禹
王治水真神力劈破千層伏地流

國朝王曰曾詩所橋危欲墮峭壁險無雙鳥道盤山勢
魚腸疊石淙天高懸一線水激瀉三江猿叫空林
月雲竹破廟幢漢番均得路正待覓靈龐

飛龍關在縣南四十里接榮經縣界

高橋關在縣南八十里榮經縣分界

景村關在縣東南一百里

瓏越鎮在縣西三十六里

多功鎮在縣西北三十二里

和順鎮在縣西北九十里西山谷口接番界

阜民司在縣城南明洪武九年置收買番馬今廢

稅課司在縣治北今裁設巡司

茶場在縣城內熙寧九年置

名山縣

黑竹關在縣東六十里與邛州接界

雞棟關在縣西南雞棟山下與州接界卽金雞關

也

又見雅安

撫人戍在縣北元和志在百丈縣西南二十里

河羅戍在縣東南大幕山南

石步子距縣五十里與洪雅縣接界

侯家營在縣南四十五里與洪雅丹稜接界

合江鎮在縣東六十五里接丹稜縣界

五花寨在縣東南三十五里相傳武侯征孟獲於

此下營

榮經縣

邛崃關在縣西隋置

唐志榮經縣有邛崃關元和志邛崃鎮在縣西南八十七

里寰宇記在縣西南七十里隋大業十年置約山

據險當雲南大路以扼蕃夷之要害唐亦因之不

改唐書太和六年李德裕復邛崃關以奪蠻險乾

符元年南詔破黎州入邛崃關高駢領四川乃逐

蠻至大渡河收邛崃關方輿勝覽關南去嵩州九

百里李心傳曰南去黎州六十里明統志大關在

縣西八十里舊名邛崃關名勝志孫漸昭應廟記
云其山蔡蒙其關邛崃水經注曰岷山東北百四
十里曰崃山中江所出東注于大江在漢嘉嚴道
縣一曰新道又東百五十里曰崃山北江所出東
注于大江故郭景純江賦曰流二江于崃崃也

紫眼關在縣西北三十里昔有紫眼番人流寓于

此因名卽甕溪關

土夷考榮經縣界懸崖棧道之閒有雜道長官司及飛越廟縣

西北有紫眼夷編氓殆半里其地名紫眼關與西
番相接廣可四十里袤百里自甕溪飛水小路直
透冷磧番以上關堡大渡河官軍戍之東西峻嶺
中流一河大壩筒車等五姓夷結茅以居五姓各
立老人有訟不立公庭惟聽老人處分而已然賦
稅亦不後時蓋爲茶商捷徑有利存焉正西萬里
乾河直通碣門則天全招討之地矣附唐陳子昂
諫雅州討生羌書竊聞國家欲開蜀山自雅州道

入討生羌因以襲擊吐蕃執事者不審圖其利害
遂發梁鳳巴蜒兵以徇之臣愚以爲西蜀之禍自
此結矣臣聞亂生必由怨起雅州邊羌未嘗一日
爲盜今無罪受戮其怨必甚怨甚懼誅必蜂駭西
山西山盜起則蜀之邊邑不得不連兵備守兵久
不解則蜀之禍構矣東漢喪敗亂始諸羌此一驗
也吐蕃黠獫狁君臣相信而多奸謀抗天誅者二十
餘年大戰則大勝小戰則小勝未嘗敗一隊亡一
矢前日薛仁貴郭大封以十萬衆敗于大非之川
一甲不返李敬元劉審禮舉十八萬衆困于青海
之澤是時精甲勇士勢如雲雷然竟不能擒一戎
馘一醜至今而關隴以空今乃欲建李處一爲上
將驅疲兵襲不可幸之吐蕃舉爲賊笑二驗也且
夫事有求利而得害者蜀昔時不通中國秦惠王
欲帝天下而并諸侯以爲不取蜀勢未可舉乃用
張儀計飾美女譎金牛因閒以啖蜀侯蜀侯果貪
其利使五丁力士鑿山通谷棧褒斜置道于秦自
是險阻不關山谷不閉張儀躡踵乘便縱兵大破

之蜀侯誅賓邑滅至今蜀爲中州是貪利而亡三
驗也臣聞吐蕃愛蜀之珍富思盜之久矣然其勢
不能舉者徒以山川阻絕障隘不通頓餓喙不得
噬今邊羌開險道使其收奔亡之種爲嚮道以攻
邊是爲賊除道舉全蜀以遺之此四驗也蜀爲西
南一都會國家之寶府又人富粟多順江而下可
以兼濟中國今執事者乃圖僥倖之利以事西羌
得西羌地不足以稼穡財不足以富國徒殺無辜
之衆以傷陛下之仁糜費隨之無益聖德五驗也
夫蜀所恃有險也蜀所安無役也今國家乃開其
險役其人險開則便寇人役則傷財臣恐未及見
羌而奸盜在其中矣異時益州長史李崇真托言
吐蕃寇松州天子爲盛出師趨轉餉以備之未二
三年已蜀二十餘州騷然大弊不見一賊而崇真
奸賊已鉅萬今得非有奸臣圖利復以生羌爲資
六驗也且蜀人尪劣不習兵戰一虜持矛百人
不敢當又山川阻曠去中夏稍兵處遠今國家若擊
西羌掩吐蕃遂能破滅其國奴虜其人使其君長

係首北闕計亦可矣若不卽如此臣方見蜀之邊陲不守而爲羌夷所熾暴昔辛有見被髮而祭伊川者以爲不出百年此其爲戎乎臣恐不及百年而蜀爲戎七驗也且國家近者廢安化拔單于棄龜茲放疏勒天下翕然謂之盛蓋以陛下務在仁不在廣務在養不在殺將以此息邊鄙休兵甲行乎三皇五帝之事者也今乃徇貪夫之議誅無罪之羌而貽全蜀之患此臣所未喻者也況當今山東饑關隴弊歷歲枯旱人有流亡誠陛下寧靜思和天人之時不可動甲兵興大役以自生亂又西軍失守邊人駭動情有不安全今復驅此兵投之不可測小人徒知議攘外之利非帝王之至德也善爲天下者計大而不計小務德而不務刑圖其安則思其危謀其利則慮其害然後長享福祿願陛下熟計之

飛水關在縣西北路出西番

天險關在縣東北四十里據邛崃九折坂之險

石門戍在縣西南三十五里

雄邊寨在縣西北

明統志雄邊寨在縣西北中有講武堂宋淳熙間創爲屯營

太平堡在縣西北二十五里

黃土堡在縣西五十里俱明初置屬大渡河千戶所官軍戍守大渡河所在黎州

蘆山縣

八步關在縣東北五十里與天全州連界路通邛

州

飛仙關在縣東南五十里接雅安縣界亦曰飛仙

閣跨多功河卽古漏閣也梁益記大小漏天在州

西北山谷高深沈晦多雨而黎州常多風故謂黎

風雅雨

附宋宇文溥新路賦惟天下之至險有嚴道之澁閣焉孤峯上絕于青天湍汲下走

于長川斷崖橫壁立之岸飛湍濺千丈之泉

靈關在縣西北接天全州界卽古靈關道也亦作

臨關

舊唐志謂之盧關元和志靈關鎮在縣西北六十里靈山下關外卽夷獠界寰宇記靈關

俗呼爲重關通白狼夷界靈關鎮在縣北八十二

里四面險峻控帶蕃蠻一夫守之可以禦百蜀都

賦云廓靈關而爲門注云關爲西南漢嘉郡界也

靈關路去蕃界旬日程從界山吐蕃野城山三日

程其險也以繩爲橋其外不知里數明統志臨關在縣西北六十里舊名靈關其關甚險正統初以其外臨葦韓胡番界改今名明勝志漢書通靈山有眼孔四一名鏤靈山文選注靈關山名在成都西南漢壽縣界舊志靈關東南去天全州百二十里西南距邛峽關一百四十里舊有巡司今裁附陳陰鏗詩王尊奉漢朝靈關不憚遙高岷長有雪陰棧屢經燒輪摧九折坂騎阻七星橋蜀道難如此功名註可要隋孔德紹詩靈關九折險蜀道二星遙乘槎若有待希泛廣陵潮宋薛田詩諸葛提兵大渡津河流禹鑿迥如新彩雲城郭了無迹黑水波濤亦有神象馬遠來銅柱貢犬羊不動鐵橋塵靈關在眼平于掌歲歲蒲桃苜蓿春

天全州

禁門關在州西二里禁山下舊有千戶所戍守

仙人關在州西六十里

紫石關在州西八十里舊俱有官兵戍守

巖底關在州西北十五里

始陽鎮在州東二十里卽故天全六番正招討司

治雍正七年設州同駐此

碓舂谿在州東十里

兩河口在州東三十里

冷磧寨在州西南舊有冷磧等十八寨爲三十三

種夷人出入之路

劍山屯在州西南唐貞元中韋臯分兵侵擾吐番
攻下羊溪等三城取劍山屯旣而吐番大發兵欲
出西山劍山收舊州以絕南詔是也

泥山所在州東又有善所張所泥山天全恩經樂
葛始陽樂屋在城靈關凡十所舊俱設百夫長戍

守

守

守

守

守

守

守

守

柘木場在州西要口也明初重茶市洪武五年命
左都督徐增壽以欄門距河西口道路狹隘跋涉
艱難市馬數少自欄門出柘木場徑抵長河西口

通雜道長官司道路平坦宜檄所司開拓以便往

來舊志有茶把在司西卽此

附錄土司駐牧所

穆坪董卜韓瑚宣慰使司

碣門在天全州西舊有六番招討司土署

凡土司世系四至地方均詳見土司志

清溪縣

清溪關在縣南一百三十五里接越嵩廳界唐置

至德初南詔閣羅鳳陷越嵩會同軍據清溪關貞

元初吐蕃分兵寇清溪關及銅山後韋臯復修清溪關以通南詔由黎州自此出邛部逕姚州入雲南號曰南路太和四年李德裕帥西川上命塞清溪關以斷南詔入寇之路德裕上言清溪之傍大路有三其餘小徑無數皆東蠻臨時爲之開通若言可塞則是欺罔朝廷須于大渡河北更築一城迤邐接黎州大兵守之方可旣而德裕徙關于中城北去大定城一百十里咸通十年南詔寇巂州攻清溪關定邊鎮將安再榮退屯大渡河北乾符